

ЭКОТУРИСТИК ХИЗМАТЛАР БОЗОРИНИ РИВОЖЛАНТИРИШНИНГ АҚШ ТАЖРИБАСИ

Қодиров Азизжон Анварович

БухДУ тадқиқотчиси

АҚШнинг Халқаро экотуризм жамияти (TIES)¹ экспертлари томонидан мамлакат экотуристлари ўртасида ҳар йили экотуризм мақсадларини ўрганиш бўйича сўровномалар ўтказиб борилади. Бу турдаги сўровномалар туристик хизмат кўрсатувчи компаниялар томонидан экотуристлик пакетларни сотиш жараёнида амалга оширилади. Ўтказилган сўровнома натижаларига кўра, АҚШлик экотуристларнинг салмоқли қисми табиий паркларга боришни (55,8 фоиз), табиат бўйлаб пиёда сайр қилишни (55,0 фоиз), махсус кўрикланадиган ҳудудларга боришни (47,8 фоиз), ёввойи ҳайвонот дунёсини кузатиш (45,8 фоиз) ва табиат бўйлаб саёҳат уюштиришни (37,1 фоиз) афзал кўрадилар (1-расмга қarang). Ушбу ҳолат АҚШ экотуристларининг соф табиатдан баҳраманд бўлиш ва уни ўрганиш иштиёқи юқори эканлигидан далolat беради.



1-расм. АҚШ экотуристларининг экотуризм мақсади бўйича экотуристлик хизматлардан фойдаланишга бўлган иштиёқи, фоизда²

АҚШ жаҳонда бошқа мамлакатларга чиқувчи экотуристлар сони бўйича етакчи ўринни эгаллаши билан биргаликда, экотуризм салоҳиятининг юқори даражада эканлиги билан ҳам ажралиб туради. АҚШда кўрикланадиган табиий ҳудудлар жами мамлакат ҳудудларга 10 фоизини ташкил этиб, ушбу ҳудудларга маҳаллий ва хорижий экотуристларнинг оқими

¹ The International Ecotourism Society. <https://ecotourism.org/>

² Бочкарева Т.В. Экотуризм: анализ существующего международного опыта. [Электронный ресурс] – URL: https://tourlib.net/statti_tourism/bochkareva.htm

юқорилиги билан ажралиб туради. Шунингдек, мамлакатда туризм соҳасини ривожлантириш бўйича амалга оширилаётган ислохотларда миллий (ички) ва халқаро (ташқи) экотуризмни ривожлантириш масалаларига бирдек устуворлик қаратилиб, ҳар бир ҳудуд кесимида минтақавий экотуризмни ривожлантиришга қаратилган ҳудудий дастурлар федерал экотуризмни ривожлантириш стратегиясига мувофиқ ишлаб чиқилади.³ Шу билан биргаликда, АҚШ ҳиссасига халқаро экотуризм бозоридаги ялпи талабнинг 1/2 қисми тўғри келиб, мамлакатнинг халқаро даражада туристик хизматлар кўрсатиш ҳисобидан олаётган ялпи даромадининг 10 фоизи ички экотуристлик хизматлар кўрсатиш ҳисобидан шаклланади.⁴ Ушбу ҳолат АҚШ экотуристлик хизматлар бозорида ички ва ташқи экотуристлик хизматлар кўрсатиш амалиёти юқори даражада ривожланган деган хулосага келиш имконини беради.

АҚШда 1872 йилда илк бор Йеллоустон миллий парки ташкил этилгандан буён ёввойи табиатни муҳофаза қилиш бўйича миллий дастурлар амалга оширилиб келинаётган бўлиб, бугунги кунда улар федерал даражада экотуризмни ривожлантиришга қаратилган давлат дастурларининг таркибий қисми сифатида баҳоланади. АҚШ экотуризмни ривожлантириш бўйича юқори салоҳиятга эга бўлиб, мамлакатда давлат ихтиёрида бўлган умумий майдони 280 минг км²га тенг бўлган 76 та табиий ёдгорликлар, 53 та ҳимояланадиган табиий ҳудудлар (боғлар, яшил ҳудудлар ва ҳ.к.), 12 та кўриқхоналар ва 10 та денгиз кўриқхоналари мавжуд. Шу билан биргаликда, мамлакат ҳудудида нодавлат кўриқхоналар тизимида мингдан зиёд экотуристлик объектлар мавжудлиги аниқланган.⁵

Шунингдек, «The Lonely Planet» дастури доирасида халқаро экотуристлик хизматлар бозорида велотурни ташкил этиш бўйича АҚШнинг Виржиния штати етакчи ўринни эгаллаи. Маълумотларга кўра, ушбу ҳудудда ташкил этилган «Виржиния тоғлари бўйлаб велотур (Virginia Mountain Bike Trail)» штатнинг тоғли ерларида жойлашган «Blue Ridge» ирмоғи бўйлаб 770 км масофани велосипед ёрдамида саёҳат қилишга мўлжалланган бўлиб, ушбу экотуристлик хизматдан фойдаланиш истагида бўлган экотуристлардан икки ҳафта вақтни талаб этади. Бу турдаги экотуристлик хизматлардан илк бор фойдаланаётганлар учун Шенандоа водийси бўйлаб велотурлар ташкиллаштирилган.⁶

АҚШ экотуризмни ривожлантиришда Аляска штати муҳим ўрин эгаллаб, штат ҳудудий иктисодиётида ушбу соҳа сердаромад бўлган минтақавий иктисодиёт тармоқларидан ҳисобланади. Штатдаги Денали миллий боғида ёввойи ҳайвонот дунёсига тегишли бўлган катта бургутларнинг кўплаб турлари учраса, Уильямс бўғозига шерлар ва тюленларни кўриш мақсадида экотуристлар ташриф буюрадилар. Жумладан, АҚШдаги энг йирик кўриқхоналардан бири ҳисобланган умумий майдони 78 минг км²га тенг бўлган Арктика миллий фаунистик кўриқхонаси Аляска штатида жойлашган бўлиб, у ерда бўз айиқлар, Далл қўйлари, қушлар, буғулар, кийиклар, бўрилар, арктик тулкилардан ташкил топган 132 мингдан ортиқ турдаги ҳайвонот дунёси билан яқиндан танишиш мумкин бўлади. Штатнинг тоғли ҳудудларида 900 минг гектар майдонда оламга машҳур Эллостоун миллий боғи ташкил этилган ва унинг ҳудудида 300 мингдан ортиқ иссиқ булоқлар, буғ оқимлари, иссиқ кўллар, лойли вулқонлар, гейзерлар мавжуд.

³ Усенбаева Г.Ж., Шакирова Д.Н. Анализ развития экологического туризма в мире. [Электронный ресурс] – URL: <https://articlekz.com/article/13812>

⁴ Экологический туризм в контексте регионального развития. [Электронный ресурс] – URL: <http://www.ecoedu.ru/index.php?r=10&id=22>

⁵ Усенбаева Г.Ж., Шакирова Д.Н. Анализ развития экологического туризма в мире. [Электронный ресурс] – URL: <https://articlekz.com/article/13812>

⁶ Лучшие направления для туризма в 2021 году по версии The Lonely Planet. [Электронный ресурс] – URL: <https://immigrantinvest.com/ru/insider/eco-tourism-2021/>

Калифорния штати халқаро экотуристтик хизматлар бозорида ўзининг узоқ йиллик дарахтлар сақланиб қолган боғлари билан машҳур бўлиб, штатда бу турдаги жами олтига миллий боғлар ташкил этилган. Жумладан, «Kings-Canyon» миллий боғида динозаврлар даврига мансуб бўлган 5-6 минг йил яшайдиган улкан дарахтзорлар мавжуд. Шунингдек, «Yosemite» табиий-экологик миллий боғида «John Muir» йўли узунлиги 340 км.дан кам бўлмаган 750 га яқин экотуристтик маршрутлар ташкил этилган.⁷

Халқаро экотуристтик хизматлар бозори статистик маълумотлари таҳлиliga кўра, Ғарбий Европа ва Шимолий Америка мамлакатлари аҳолиси экотуристтик хизматларга бўлган талаб ҳажми бўйича етакчи ўринни эгаллайдилар. Шунингдек, Африка, Лотин Америкаси, Осиё, Австралия ва Океания мамлакатлари жаҳонда экотуристтик оқим юқори бўлган мамлакатлар қаторидан ўрин эгаллайдилар. Таҳлилларга кўра, Африка, Жанубий Осиё ва Шимолий Америка мамлакатлари экотуристлари Лотин Америкаси, Кариб денгизи ва Тинч Океани минтақаси бўйлаб экотуристтик хизматлардан фойдаланиш бўйича салмоқли улушга эга ҳисобланадилар.⁸

Таҳлилларга кўра, АҚШ экотуризмни ривожлантириш бўйича экотуристтик ресурсларга бой мамлакат бўлганлиги сабабли ички ва ташқи экотуристтик хизматлар кўрсатиш бўйича жаҳонда етакчи мамлакатлар қаторидан ўрин эгаллайди. Шу билан биргаликда, АҚШда жаҳонда инновацион ривожланиш бўйича ҳам бошқа мамлакатларга нисбатан илғор бўлганлиги сабабли, кўрсатилаётган экотуристтик хизматлар сифат жиҳатдан сезиларли даражада юқорилиги билан характерланади. Жумладан, АҚШ экотуристтик хизматлар кўрсатиш бўйича жаҳонда табиий ресурслардан оқилона ва самарали фойдаланиш бўйича катта тажрибага эга ҳисобланади. Мамлакатимизнинг табиий-экологик ресурсларга бой мамлакат эканлигини инобатга олган ҳолда, АҚШ амалиётидан миллий экотуризм соҳасини ривожлантиришда ижодий фойдаланиш имкониятларини тадқиқ этиш илмий ва амалий жиҳатдан долзарб аҳамият касб этади.

Фойдаланилган адабиётлар рўйхати

1. The International Ecotourism Society. <https://ecotourism.org/>
2. Бочкарева Т.В. Экотуризм: анализ существующего международного опыта. [Электронный ресурс] – URL: https://tourlib.net/statti_tourism/bochkareva.htm
3. Усенбаева Г.Ж., Шакирова Д.Н. Анализ развития экологического туризма в мире. [Электронный ресурс] – URL: <https://articlekz.com/article/13812>
4. Экологический туризм в контексте регионального развития. [Электронный ресурс] – URL: <http://www.ecoedu.ru/index.php?r=10&id=22>
5. Лучшие направления для туризма в 2021 году по версии The Lonely Planet. [Электронный ресурс] – URL: <https://immigrantinvest.com/ru/insider/eco-tourism-2021/>

⁷ Усенбаева Г.Ж., Шакирова Д.Н. Анализ развития экологического туризма в мире. [Электронный ресурс] – URL: <https://articlekz.com/article/13812>

⁸ Усенбаева Г.Ж., Шакирова Д.Н. Анализ развития экологического туризма в мире. [Электронный ресурс] – URL: <https://articlekz.com/article/13812>